

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司

基字02260122号 No.6230





161795





石渠寶笈卷之六

卷之六



門生北地李夢陽詩集



石淙詩稿卷之六

門生北地李夢陽

評點



容臺類

汴城與徐方伯用和話舊和往年韻三首

九載重逢此晤言
雲山迢遞會應難
紙窓官燭開新宴
白雪冰絃續舊彈
坐榻翻勞高士下
檄書頻動老親歡
玉壺秋月皆心事
何物纖塵敢謾干

有山如嶽水如河
重鎮因君一倍過
不忝具瞻詠維石也
憑忠信涉風波
煙雲八桂年來夢
淮楚甘棠去後歌
見說瘡痍隨處有
似煩公手為親摩

別來空作夢中人
暫得過從敢厭頻
自媿駑駘飽官粟
爭

看鷓鴣離風塵眼前同調應全少世上交情幾是真留取
舊時忠告在到頭休負讀書身

謁睢陽協忠廟

哭罷玄元便起兵累瘡辛苦捍孤城怒髯直欲吞胡孽血
指無懷滅進明三十六人盟共軟百千萬載氣如生唐家
天子應驚問不獨平原未識名

一旅艱關百戰中漁陽鼙鼓避英風城危竟失江淮蔽義
正終收郭李功滅賊死甘為厲鬼擁兵生恨失奸雄年年
明水祠官在不媿前朝表協忠

城頭六矢交鋒地帳下駢肩就戮持不信萬春非木偶果
然南八是男兒荒原落日孤臣墓古木秋風異代祠見說

然南八是男兒荒原落日孤臣墓古木秋風異代祠見說

履霜應有漸曲江忠諫本先期夢陽曰胸中有忠義凡作忠義詩便佳便如眼見之

讀李忠定公行狀

間氣生來命世雄顛危之際見孤忠七旬五日匡時畧二
百餘年養士功豪傑苦心猶戴宋廟堂長策竟和戎南遷
不返親征駕禾黍空然繞故宮夢陽曰天下所短廟堂所長

辛苦經營老未休有才無命更何謀生能素定君臣義死
不忘情父母讎曆數漸歸元歲月興亡誰紀宋春秋魏公
相見應相問地下忠邪可辨不

孟秋享 太廟陪祀

明明上帝廟中央肅肅臣工此裸將地厚天高同報享
祖功宗德重蒸嘗駿奔已後周多士淺薄猶慚漢奉常回

首 五雲佳氣裏，祇應明德是馨香。詩夢陽曰：化經為

補送高侍御陝西巡茶還朝

西邊茶馬向乖張，數載官民兩受傷。人以虛名招物議，公留實惠在戎行。也知霜雪皆生意，縱是圖書不入裝。欲采風謠歸直筆，為公傳誦到朝堂。

孟冬陪祀太廟用舊韻

五鳳騰雲接未央，六龍扶輦下相將。文孫主鬯還

神聖大孝逢時有，禘嘗列祖精靈天作配。百僚奔走歲

為常鸞旗已隔仙，允路猶有迴風送御香。詩夢陽曰：大

錢朱懋恭同年城南席上限韻六首

少日相逢已見推，中年此會本無期。如何夜雨孤燈話，更

少日相逢已見推
中年此會本無期
如何夜雨孤燈話
更

作秋風遠道思流水
心情聊自適
菜根滋味飽能知
同遊

頗覺同年少那復能禁此別離

夢陽曰情真意悲

岐路無端歲月奔
送君還復過吳門
自將秋色供詩料
誰典春衣置酒尊
三尺有聲先郡邑
一官無補媿饕飧
要知別後思君意
看取黃花晚節存

乾坤正氣養能成
歷徧江山老更英
鐵漢歸來猶苦硬
貪泉飲盡見真清
丹楓照眼暮天碧
涼露滿空秋月明
無限離愁無處寫
祇將金石蒞心盟

斗酒難開別後顏
宦情鄉思繞江干
西風落木頻搔首
細雨黃花一倚闌
交以義投無父
近政隨俗易有嚴
寬漢家三尺君能事
又向盤根錯節看

夢陽曰名言

凌雲賦裏見才高老氣橫秋一倍豪到處風謠須采拾聞
來山水暫遊邀謀家計拙無三窟憂國心勞有二毛姦宄
載途民力盡秋霜春雨繫吾曹

江山又是一番秋木落天空晚更幽細雨滄波連極浦夕
陽紅樹遶平丘從君苦被冠裳縛過我須教水竹留寄語
京江數知己不妨多暇與同遊夢陽曰末
意灑然

次屠天官先生韻送李亞卿督運臨清

國計長勞帝顧頻聖書今遣廟堂臣先憂在念有前
輩喜事無端空後塵財賦本非刀筆吏朝廷須用老成
人君恩未報身仍健莫更多情憶釣綸

陪祀太社太稷壇二

春祈秋報總緣農太社壇高五色封德配皇天周后稷功
叅冢土夏勾龍鐘鳴樂奏來仙仗奠玉埋牲見禮容自幸
清時為侍從長陪裡祀荷 恩農

哭徐都憲用和二首

士論於君久未輕忽傳凶問使人驚志存國計寧辭謗力
糾官邪豈近名 丹陛重違推轂念白頭無柰倚門情知
君地下無遺憾盛有弓裘屬後生

為別年多幾夢思汴城三宿話交期北來尚憶重逢日南
去翻成永訣時旅殯苦無親屬在行裝貧有路人知中年
已覺同遊少一望官河一涕泗

夢陽曰世人每謂壽挽難觀此二作則知大家數自別

少宰吳先生席上會同年三首

當年曾探杏華春回首晨星歎屢新同是歐陽門下士獨
慙張詠榜中人鳥聲別院催歌急樹影斜陽入座頻留取
歲寒心事在底須文字是交親

宦海茫茫白髮新相看二十八回春斯文可少同年會此
日真成異姓親樞府賓僚新燕集曲江詩酒舊風神翻思
射策金門日一寸丹心已致身

一榜英雄三百輩向來朝籍幾通班狀元志果非溫飽
吏部名應重斗山鸞翼九霄勞接引龍門千丈許躋攀杏
園年少今非昨坐食無能有厚顏

吳少宰東園和朱懋恭韻

狀元闢地此開軒好是端明獨樂園隱向吏中聊適意詩

狀元闢地此開軒好是端明獨樂園隱向吏中聊適意詩

難畫處却忘言當年種得青松老何處飛來山鳥喧不為
招延難徑造相門今已異開門

玉延亭上竹成陰海月庵前樹十尋客去自檢材館錄詩
成聊寫觀物心清光入戶夜方窅蒼翠滿空秋正深此外
俗塵無處著朗然一誦堯夫吟

送南陽李節推之任

把卷間題贈別詩忽因名姓感當時宦途似隔三生夢童
子真慚一字師恩為列卿承廕補官於執法見才奇南
陽菊水多延壽一掬分來寄所思

終慕堂為錦衣張千戶題

閱君詩卷聞君語兀兀窮愁愁不禁寸草有情吾與子終

天_之痛古猶今貪生豈愛為官樂忍死徒堅報 國心無限良辰空屬我縱然能賦不成吟

陪西涯先生燎黃公墓用舊韻一首

卜年雙淚灑西風往事真隨逝水東不遣人間遺一老豈知身後有三公典刑前輩凋應盡俯仰平生恨未終最是沾恩翻抱痛 制詞宜罷意無窮

夢陽曰無窮之意難言之妙

和西涯先生卜居韻

滿目風沙日未陰相遇真為解煩襟聞君築室求田計慰我通家結社心元老交親期約在北堂門閱歲年深京江東去無多路有意先歸聽好音

西涯和韻見荅再疊一首

西涯和韻見荅再疊一首

揚子東頭陽羨陰分明吳楚是喉襟無南無北皆王土時
止時行任我心黃閣經綸身未老蒼生霖雨望方深朱絃
一奏成三歎媿向希聲續古音

西涯宅上月下賞菊限韻

良辰休沐荷

君王我馬西堂繫綠楊月底看花新故事望前開燕小重
陽九月十日也內厨酒出金莖露列寺官聯粉署郎今夕定知
何夕是不妨同醉頌時康坐客王太僕公濟喬考功希

承西涯和答再疊前韻

坐愛揮毫逼二王幾陪高宴詠桑楊黃花老圃還秋色佳
氣南山更夕陽開口暫逢能賦客登高多屬少年郎極知

酩酊非吾事蟋蟀關心敢太康

少宗伯傅公席上十月賞菊限韻

種得秋叢正滿家不隨春卉落泥沙
摘英尚隔南山路飲水兼懷甘谷涯
醉引餘歡歸夢寐清憐佳會異茶瓜
年年為結冰霜社來看東籬歲晚花

叢菊開時不在家似聞三徑已塵沙
鄉心邈矣地千里秋興渺然天一涯
香挹佩來同晚蕙味思餐處勝園瓜
殘枝風露猶堪把何必重陽始是花

送金調元之遼東都司經歷

當年文采動詞林贏得朋游屬望深
總為催科甘下考應慚道德負初心
定州舊夢依稀記遼海新詩取次吟
珍重

錦囊瑤瑟在關山隨地有知音

南去懷人意有餘北歸相對重踟躕
闕門早抗諸生疏光
範曾投博士書世上儻來聊爾耳
夢中前定欲何如河東
未効吹噓力空復微音慰謫居

夢陽曰二篇淺淺活活如春溪之流

送王詹事守溪先生歸省

十月承恩故里回春風旋復待公來
東朝可闕少詹

事國典方勞副總裁官錦服當晴晝好黃封携向壽筵

開猶懷京口同遊地鄉思頻驚旅夢催

夢陽曰時事入詩安之又安

朝回長切倚門憂暫得歸寧慰白頭
金馬石渠天上客黃柑紫蠟洞庭秋
百年寸草心應苦一日三公願已酬
要識君王將父念故鄉雖好莫淹留

題菜贈友人

抱甕勞勞自灌畦
乾坤生意晚相宜
菜根合是書生分
便欲從君問圃師

賦蟠桃園壽劉驗封母宜人

文軒有輝象服新
劉太夫人初度辰
郎官拜舞意不極
良工為寫蟠桃春
何人誤入西崑裏
親見龜臺矗天起
金母落莫天應憐
握取丹霞散煙水
度索之山長幾許
此桃蟠屈二千里
早聞一實不數枚
安得纍纍乃如此
蟠桃有無不可知
談仙如夢還如癡
漢皇欲種不敢種
何物小兒能竊之
古今寓言亦無數
至竟要道誰能窺
太夫人德世稀
偶昔者令妻今令母
夢陽曰該食報碩果理則宜
不用滄霞

偶昔者令妻今令母約而該食鞞碩果理則宜不用准露

自眉壽母恩高厚如乾坤子心但願母常存南山松栢皆
善祝觸物擬議休深論仙桃信有君須得星郎早注仙家
籍會從金母乞餘核後三千年更朱實長看母色如桃色
歲歲作歌歌母德

題畫三首

白雲胡為生清泉胡為出雲水亦何心天機妙難測因之
識卷舒亦可觀消息一丘一壑間不然安足述

石梁坐終日抱膝欲忘言春風入深林好鳥鳴關關乃知
希聲妙不在山水間相逢但長嘯有琴不復彈古人知音
少今人知音難

向來石田畫徃徃屬奪真嗟余號知已有目隨風塵而况

六合間悠悠行路人山川有真設良工徒苦辛空然索形
似浪擲丘壑春世事每如此翻覆難具陳夢陽曰散散今

會同年和吳匏庵先生韻

聞說同年會敢違佳期不似向時稀坐聯兄弟非同姓眼
看金紉是布衣合遣聚星占帝里能忘捧日戀

皇闈杏園舊學推年少老大猶懷玉樹依

雲霄心事苦多違鸛鷺班中跡太稀賤子敢論周禮樂

諸公真補舜裳衣相期共濟逢昭代猶記知名自禮

闈此誼後人當世講龍頭詩券永因依夢陽曰二篇大作

李主事母安人挽詩

誰寫哀音托楚騷太安人是女中豪未亡已分甘貧苦有

誰寫哀音托楚騷
太安人是女中豪
未亡已分甘貧苦
有

子終然被 寵褒人道栢舟為蔗境
眼看庭綵又宮袍
欲尋遺行當何似
只恐前身或姓曹

瓜栢雙瑞為錢世恒僉憲作

和氣召祥鍾瑞物
同穎之禾連理木
當時間出已自珍
今日便蕃集君目
茲有瓜兮果有榴
並蒂相輝駢首熟
分明二氣孕元精
或者雙星降平陸
含滋發馨向中歲
不與穠纖共馳逐
榴子纍纍瓜蔓長
此祥定兆多男育
充問之慶諒非遙
吉夢何須大人卜
行看五桂集庭除
豈但鄰林一枝足
酒闌擊節聊浩歌
一為東君歌似續

飲朝天宮遇雨對竹口占贈竹逸居士

三千里外尺書招
一笑相逢萬慮消
好是長安煩暑後
龍

宮誰為挽天瓢

江南竹逸何居士長憶風神是此君今日見君還見竹一時清興與平分

送宋生介司教太平

半生辛苦嘆遭逢一日長楊賦最雄秦晉山川元接壤唐虞疆土尚遺風西來慣識龍媒價北上真教驥野空師道極知關化理簿書回首媿無功

夢陽曰
聯整

題衍聖公東莊逸興卷

東莊只隔宮牆外聖學元非稼圃間滿目春光憑望野萬年吾道此登山飲餘色咲侯思樂浴罷從容點也還却憶舊曾瞻謁地幾時重得一追攀

舊曾瞻謁地幾時重得一追攀

送給事甯惟臣代府冊封席上限韻

居庸西北雲中郡帝子分封控朔庭天節到瞻

顏咫尺皇恩宣拜語丁寧萬年玉牒昭宗派十月

龍沙候使星定有度詢歸論列一官休負瑣關青

兩兩朱衣下紫宸袞龍南面降絲綸朝廷禮重封

同姓給舍名高識近臣朔地早寒秋瑾戶邊庭無事晝銷

塵皇仁不獨宣宗國凋弊兼勞使者詢

良宵佳會十年纔歲晚交情托嶺梅聖代藩封須保障

中朝人物見竒瓌殊方共喜同文教多事誰應釀禍胎豪

傑正勞天下計底須刺刺向提孩

壽梅莊吳先生七十

文獻江西第一邦典刑前輩復梅莊學從往聖窺遺緒身
向頽波立巨防老去不移巢父潔愁多非是杞人狂三公
可易腰難折九鼎能支力正強除却梅花無伴侶故將標
格表行藏紛紛桃李羞同調歷歷冰霜飽共嘗若比松篁
真伯仲祇應鐵石是心腸古音為續仍寥濶薄俗如聞欲
奮揚薰鄙幾人歸士節過庭諸子是書香中朝獻納關清
議 聖代絲綸有耿光七袞年華逢壽旦小春天氣入初
陽衣冠望與高山隔甘旨情隨愛日長載憶後車周大老
聘沾東帛漢賢良壽筵歲歲歌重慶歌到千回未可量

壽任丘張舉人祖母九十

九秩重闈近所無康強不藉老萊扶清時合紀人祥瑞令

九秩重闈近所無康強不藉老萊扶清時合紀人祥瑞令

德真成女丈夫世有春風生子竹眼看鳴鳳在孫梧古稀
二十年前賀又辦瑤池百歲圖

送成國公南京守備

天語親承下 紫宸舊都根本托斯人龍蟠虎踞與王地
玉節金符柱國臣五等元勳三世舊一年恩命兩迴新
衮綬帶君能事莫負平生報 主身

挽成國莊簡公

東平門闕更平陰莊簡勲庸望益深南國江山留守寄一
生清靜老臣心民歌舊愛有遺樹爵到上公無剩金將相
中朝看子婿不須哀挽重沾襟夢陽曰又

送胡德延姊丈還京口

天順歲甲申與君同筆硯時我尚垂髫君齒當弱冠君伯
貳守公少起滇南薦顧我先府君曰此同鄉彥而我遂通
家心交豈徒面因之締姻好我門奠君鴈我童與計偕
召對金鑾殿石渠翻秘書瓊林醉春宴旻天弗我吊家門
遘凶變府君捐館舍遺孤眇於綫扶柩返江鄉客葬非所
願遇君聞公訃方寸各糾亂問我南歸計迷塗空汗漫滇
南遠莫致巴陵誰眷戀只尺鐵甕城長江亘天塹古稱朱
方地卜葬豈不善再拜聽其言哀苦和淚嚙府君有遺志
重此骨肉念佳城既協吉買屋如成筭公柩亦東還居止
同里閉維兩太夫人高堂凜家範公女復妻子親上親重
見兔絲女蘿枝附引固而蔓荏苒三十年流光迅於電玉

見兔絲女蘿枝附引固而蔓荏苒三十年流光迅於電玉

樹紛塔除究竟同一榦猗君今逸民才美不自銜甘與木
石居避名如避箭君舍四壁立懸磬老無怨君身但韋布
不受軒冕絆索居本無競昧者猶謗訕為別動經年京塵
羈薄宦悠然忽我思掉鼓南風便世途多轍軻顛躓隨歛
段翻成樂正愁數月不踰限吉占果勿藥懷歸速張翰孤
尊未傾倒雙袂倏已判茫茫天地間浮生多聚散恨不逐
君還水石同泮渙江東無限奇顧使君獨擅嗟嗟先府君
高山軼雲漢我公亦奇特軒然聳魁岸老成雖淪落典刑
有垂憲紛紛夸毗子葩葉逞才辨所以宣尼聖寧思古狂
猶贈行述疇昔亦足表文獻去住本何常頽仰成願盼小
子須識之勿使供一粲

夢陽曰不
可無之作

邊太守汝成話別席上聯句同喬考功希大作

分符未浹月子行何太急楊蒼黃一顧間慷慨萬感集喬

謀國心孔勞憂民夢先入楊中藏詎能忘外議久已翕喬

堪嗤彼為通翻謂子多執楊世途任紛拏矩步稱特立喬

移山不改判上功肯差級楊威行虜騎遁令下邊民泣喬

六察望匪輕一麾去難繫楊淮陽古有名豐芑今載什喬

風霜解嚴凝雨露布厭浥楊新圖或更張宿弊豈必襲喬

如聞病霖潦相望失原隰楊扶傷詢老癯探隱發幽蟄喬

覆盆照無遺寒谷惠須及楊愛文硯不封備武兵亦習喬

士風回靡靡農苦念粒粒楊代期恐借恂卧治暫煩汲喬

門楣夙高大簪組共輝熠楊冶弓固相承金紫真俯拾喬

通家眷綢繆惜別重於悒楊為童各摳趨函丈同拜揖喬
聲氣感雲龍水火從燥濕揚歲華閱寢深才力愧猶澁喬
淮川清瀾瀾淮山高岌岌楊徵黃遲君歸勲業留郡邑喬
夢陽曰才力並敵

守愚為胡姊文德延題

不蹈危機非慕甯擬尋聖域欲希顏今人志向有如此前
輩儀刑定許攀小智極知為性累淳風端合為君還若教
舉世皆愚化衡斗刑書盡可刪

竹逸為何思道賦

渺渺平沙接水村此中聊可避塵氛清憐白屋通孤逕老
愛閑身伴此君夏日涼生深院雨秋風綠送滿溪雲七賢

六逸休重道一叟幽情自不群
夢陽曰唐調

送趙太守之濟南

二千石是古諸侯山海青齊亦壯遊
吏治固應先禮樂君心元自有春秋
雲霄事業平生念汗簡勲名取次收
莫戀省闈輕郡牧幾多民瘼待公瘳

題何竹逸墨菊便面

何郎本愛梅顧托王猷竹劃然襟抱中
見此淵明菊南山入指顧寒香不盈掬
因之可延年何止解醫俗三物本同調
得一願已足君今兼得之而亦厭梁肉
如騎揚州鶴腰纏恣所欲真宰豈偏私
人事防倚伏願言慎晚節居貞向幽谷

送丁鴻臚應韶奉使荆府

君王封建歲分符使
者銜恩出帝都文采舊稱名進
士朝章元屬大鴻臚中原人物看
麟鳳南國山川識楚吳
定有民風須乘拾歸來能獻
讜言無夢陽曰整

送楊鈺驛丞之夾溝

北纜南檣此要衝漕河千里閘初逢
人家近接彭城郡山色遙連泰嶽峯
名在公家非案牘世傳清白自弘農
題詩漫作離觴送明日天涯意萬重

用李徵伯舟中韻奉柬乃翁西涯先生

骨肉情多欲話難近違還作遠游看
寄書人到頻頻問對客詩成字字安
顧我通家猶惜別念渠歸夢幾承歡
純仁

見說真能子莫太關懷恐廢食

為別長懷行路難夜燈深坐取詩省多情作客能開口一

扎逢人道問安生世不禁離處苦好音先卜到時歡似聞

歸橐清如許不媿蘭紉與菊飡

夢陽曰說盡人情

送何可閒都紀還鎮江

半世藏真不出山承

恩歸去領仙班名占仕籍知無慮

心斷塵緣尚可閒有客籠鴛留勝事幾人騎鶴扣玄關獨

懷丁卯橋頭路晚歲幽期聽往還

次沈石田贈可閒韻

身在人間心物外從師少小讀南華也知入道真成隱翻

恠為官是出家受寶籙來兼佩印課黃冠罷早休衙丹丘

恠為官是出家受寶錄來兼備印諫黃冠罷早休德丹上

只在襟期裏莫更逢人問鼎砂夢陽曰勝前首

送杜理問抑之之江西

壯承恩命出宸宮弱冠銓曹籍已通藩省政須三尺

法埋官才擅一時雄西山暮送滕王雨南浦秋生孺子風

更向豐城占劔氣要看光彩貫晴虹

讀書讀律兩留情七品司刑亦未輕政簡不妨親案牘官

甲猶幸少逢迎北來待聘千金價南去携家一水程江省

故人交石在一緘兼托寄平生同年吳憲之參政號交石

壽同年蕭海鈞文明七十

風神猶記曲江頭黑髮勲名二十秋退勇道隨身共隱取

廉天以壽為酬中朝獻納餘封事東海心情有釣舟還

自古稀歸上壽直教造物與同游夢陽曰只用後首是矣

同年此老居青瑣

先帝將名錄御屏外補一官猶別駕量移三載始提刑人言彩鳳鳴昭代我羨飛鴻向紫冥靜壽故應仁者得不須多祝定遐齡

陳侍御父母蘇門雙壽歌

太行之山連崆峒蘇門東起當其雄泉源百道雲根出山澤一氣元相通古今豪賢此盤礴前有孫登後邵雍泉山無恙典刑盡長嘯絕響行窩空潛庵近起慕先哲壯不求仕今已翁身棲城府興丘壑葛巾野服無留蹤行隨溪月濯清影坐倚岩樹生高風有賢伉儷亦同德婦也孟光夫

與鳥兒下多逢復善學刀斧心長年為台乃學成發聲言

梁鴻兒郎趨庭復善學忽見裘箕為冶弓學成發解貢

天子御墨親灑明光宮花封出應郎官宿栢府歸乘御史
驄 褒賢錄勞侈 恩典七品封勅蟠雙龍繡衣阿父孺

人母義方果爾能收功猶懷定省曠晨夕欲歸不得心忡
忡朝來持斧按郡國節制遠行鄉邑中晝遊車馬勿復道
一日色養勝三公王正二月風光好壽星下燭弧筵紅錦
袍紗帽坐赫赫翟冠霞帔春融融稱觴造膝視顏色再拜
起舞還兒童捧檄之歡何足數板輿况與嚴慈同夙興長
跪聽教戒自古王臣當匪躬公家有程不可緩攬轡一去
馳風駿子行親意更怡悅旋歸舊隱蔽雲峯登高臨流抱
遐想直與造物游鴻濛由來至和召至壽看數甲子三千

重親賢子孝兩馳譽萬古泉山相始終

予往年以酒致疾因讀陶止酒詩竊步其韻定為三分之戒且六閱歲矣入京以來朋輩以深盃相勸偶不自制遂違初約而舊疾復作病目中深自悔之再用前韻一首以識吾過追復舊戒斷自新春為始

中年困多疾止酒勢方止丁寧三分戒尚載盟書裏真止效陶翁不飲慕蘇子汝志不自持而欲徇人喜譬如剪荆棘種在時復起雖云不及亂已昧德將理昏昏病目餘內顧真失已覆車鑒非遙不改斯過矣東皇轉嚴律春陽浩無涖作詩尋舊盟剛制從今祀

疊韻奉答西涯先生

紛紛止酒人大半非真止所以知言者聽言窺底裏頽然
醉夢餘惺惺者誰子三分以為節適意差獨喜活水止方
塘不為風濤起倚伏信有機消長亦常理由來匹夫志操
之本由已謔言良激予起謝命之矣君心軒虞上渾渾難
為涖而我尚須盟儀刑愧前祀

和西涯先生分獻星辰壇韻二首

大駕親郊出鳳城內壇分獻幾人行六宗本重三辰祀萬
里同瞻五緯明薦享德隨馨共遠登歌聲與樂俱清樞機
斡運君能事天下人方仰治平

紫壇星彩照高城赤舄從容上界行萬象總瞻辰是極九
霄真助月為明文章北斗聲名重人物中台地望清

簡在豈徒勞奉幣似煩公德迓休平

郊壇陪祀和馬宗勉太常韻

萬里空明月正中遠瞻香駕出行宮
乾坤百祀今咸秩禮樂千年此折衷
奉幣幾陪周洛盛賦詩非與漢汾同
不須太史占雲物已驗初春十日風

再疊止酒韻答馬宗勉先生

比辱和章莊誦遺體之戒追憶先太安人遺訓惻然感
之媿汗交集非至愛不及此用韻自訟錄以拜德

陶侃初嗜飲以母戒而止飲不踰常限事著遺編裏事天
如事親顧養崇伯子憶侍先安人過飲輒失喜斯訓猶在
耳音容邈難起昔非養志賢今失敬身理恨無伯俞杖引

耳音容邈難起昔非養志賢今失敬身理恨無作俞杖引

咎祈捷已及時不自懲後悔無及矣酒星天有象酒泉地
有涖矢心天地間焚詩薦時祀

答劉用熙戶部

讀君止酒詩似欲止吾止達哉誠有見恐墮清談裏初篇
極規諷厚意良服子倉卒張疑兵毋乃窺怒喜不聞軍中
驚能撼亞夫起飲否各有存未究同異理張也敢拒人參
乎唯省己君非草聖流前言戲之矣會汲中泠泉遲子江
之涖飽嘗玄酒味是非付千祀

答邵國賢郎中

適奉和章太過之說非所敢承而謹始之戒正中僕病
聞命悵然益知自厲依韻奉謝幸終教之

謹酒雖小德至善亦難止古來賢達人誰在中行裏吾方
媿不及俛首魯男子望之不可至敢以過為喜滔天豈無
漸多自涓滴起先幾失禁防末流費疏理還思十年事芒
刺真負己公言良博哉我風斯下矣茫茫止酒心因君得
津涖行錄止酒勲君當作元祀

答吳克溫內翰

比辱高和語意深婉讀之慨然依韻一首奉謝非敢遂
非也

湯武皆聖人亦豈不知止作銘示深戒每托盤觴裏而况
衛武公箴誦勤小子多言固害道無言誠可喜翻恐方寸
路茅茨介然起不如托微言亦足闡至理語默各有宜幸

路茅茨介然起不如托微言亦足闡至理語默各有宜幸

勿分彼已重茲德將訓公其謂我矣化機無停運逝者寧
有涖寥寥無言化仰止杏壇祀

再答劉用熙

得第二和章疑為間語及得是詩乃知公固達生者以
飲為高似亦有見蓋雖未能從焉而亦不能不羨慕之
也再疊前韻以謝不敏頗恨聞命之晚幸卒教之

吾生不絕飲三分僅能止頗知醉翁興不在深盃裏勞勞
塵鞅中達生幾失子酒本非深量而獨有深喜試教深酌
之醉卧何能起君深軒岐術豈昧攝生理招之不可致欲
往愁喪已吾亦任吾真先生且休矣浮生信有涯飲名豈
無涖杜康已落窻而况劉伶祀

答吳匏庵先生

止酒和章甚多顧其辭旨不皆同雖契愛者或不以僕為然僕竊異之比得高作極感成人之美捧誦自慰初志益堅奉謝一首幸終教之

止酒懼弗勇猶賴人贊止交游無限情托之詩句裏言顧人人殊惡飲纔數子餘或病吾止恐失麴生喜徘徊昧所適詩訟囂然起最後得公詩深契周誥理公本獨醒人度物善推己把翫不能釋此志今定矣有如執熟餘而濯清江涘願恒服公戒苾酒如苾祀

再答邵國賢郎中

止酒雖云美所美在能止彼美真止翁尚落空言裏以美

止酒雖云美所美在能止彼美真止翁尚落空言裏以美

成人美嗟君古君子惟口嗜則同顧美胡不喜病來豈美
事累日妨卧起至美天畀予形性同一理中含外斯達充
之美在已一朝失矜持百美俱喪矣美瓊難為酬感歎日
無涖願借美人盟竊比雞壇祀

候喬希大和章久不至而其僚友杭考功世卿張驗封
進之遽蒙和教用韻呈二公托為問之

惡酒不絕酒未欲酒全止投詩以詩答愛托詩篇裏佳句
多杭候深戒激張子氣類故相投感之心獨喜白巖號知
詩聰明數予起豈不困於酒解識斟酌理木桃報瓊瑀居
然後知已公事無了期私燕今足矣憑君一問之流光幾
涯涖郊齊記同盟奄忽春丁祀

答張進之驗封

承八和陶詩皆嚴酒戒最後二章為群言所惑始有他志且誤落已韻再疊一首駁之忙中之錯賢者所不能免勿訝勿訝

春來作酒誓論難殊未止不圖同心人近在同鄉裏高篇托郵筒奔走勤稚子應接已不遑把翫益自喜胡為三思餘他念顧逢蠶起群言雖博納所貴折諸理如聞陶翁訴狗人乃忘已醒醉日相尋方寸誠亂矣不須太好竒嗽石枕江涘請吟悔過篇絮酒供陶祀

夢陽曰止酒十一篇因人變化如韓白用兵無所不可

送劉元璧分教玉田

燕山西麓海東潯故國遺墟尚可尋種玉田荒荒餘白壁招

燕山西麓海東潯故國遺墟尚可尋種玉田荒餘白壁招

賢臺古更黃金鳳麟有道逢時出桃李無言載路陰名教
自來多樂地一官何必定朝簪

送瞿大用分教貴州平壩衛

杏花壇是舊門墻世業弓裘况未忘聽罷絃歌還閱武教
來行伍盡知方半生歲月供殘簡萬里風烟接故鄉莫嘆
窮經難用世也勝頭白困炎荒

夢陽曰以上二首題小而詩大

吳匏菴先生宅看畫留飲遇雪歸途二首

一尊對酌此情真勝賞兼逢雪意新白戰壇高曾接引玉
延亭迥更風神寒簷落葉時時下老圃踈花樹樹春却笑
山陰中夜棹到門空返是何人

只尺園亭不出城故人相憶轉多情豈知東閣尋詩興翻

作長安踏雪行銀海眩餘非世界紅塵消盡是平生賞心

莫更空觀畫只恐天機畫不成夢陽曰觀畫觀雪偶

畫松為神樂道士賦

玄都道士偶相逢不種桃花只種松歲晚烟霞不知處擬

隨黃鶴訪高蹤

郊壇陪祀有述

齋宮 賜饌屏芳葦

天語丁寧再拜聞閣道烟雲朝散彩屬車龍鶴夜成群陽夢

如畫二句乾坤定禮園方合海嶽諸壇望秩分要識百神昭

答意入春佳氣正氤氳

朶雲當夜捧 行宮

朶雲當夜捧 行宮

天地分明陟降中 明德有馨神自饗 燎烟將合念先通 班

分玉珮懸孤月 隊擁龍旗出半空 二十年前供奉日 重來

奔走愧無功

夢陽曰
如畫

壽劉中書母夫人故閣老壽光劉先生之配也

老去潘輿樂未厭 幾人榮與壽能兼 中書門下身重到 申

國夫人教本嚴 裙布儉看 封後著手機 勤憶貴時拈 年

年歌管稱觴地 記取春風滿畫檐

夢陽曰
嶮韻

畫馬四首

世上孫陽不易逢 千金浪說馬群空 豈知掣電追風足 不

在驪黃牝牡中

獨立西風十二閑 驕行顧影望奚官 長稽短豆真誰事 赤

汗連錢苦未乾

天驕牧馬大河邊二載

王師未凱旋約束龍驤三萬匹將軍指日到燕然

曾相龍媒渥水還天精儲得在人間似聞

聖主辭千里莫論邊功啓玉關夢陽曰四首亦佳恨辭不盡意耳

馮汝揚自內臺遷太原守詩以贈之

一夜東風到國門冰霜銷盡見春溫平生故有鷹鷂力

此去應多雨露恩心事幾人憂樂共循良千古典刑存他

年指點官曹事須向甘棠頌裏論

題姚義士傳

偶從佳傳憶風神古道微茫未絕塵白首耻隨流俗態黃

偶從佳傳憶風神古道從前未絕塵
金不作負心人清聲聽逐滄溟水義氣看回泰岱春不獨
中丞能表厲旌門有待降絲綸

新齋為河間施太守賦

人心不盈掬利欲紛交馳天德豈不明汙染逐物移所以
古聖人銘盤寓箴規大哉日新訓炳如雲漢垂君侯世儒
碩嘉名誰錫之憶當過庭初授簡有深期悠悠三十載顧
名時惕而大書揭高扁相對成嚴師中扁本虛白不受一
物欺斯理固昭昭彼昏胡不思忍令虛者塞而使白者緇
商書載丕顯周雅歌緝熙君心耿不磨聖域行可窺本深
末乃茂庶事不足為高山軼層霄仰止恒在茲

遊西山詩引

弘治辛酉春三月壬戌予遊西山李北先徵伯寔治具
以從同從行者開郡馬宗範成憲廣陽劉釗德幾何春
啓東肥鄉郭郭于蕃太原喬宗本大淮陰楊磐國安凡
七人皆門下士也是夜宿香山寺厥明循山麓而北登
望湖亭尋呂公華嚴諸洞嗽玉泉歷功德寺沿西湖岸
東還探竒覽勝小大不遺飲酒鳴琴各極其趣予間有
所述輒為諸君誦之衆次第屬和之抵暮入城已大醉
猶與徵伯述為句續然皆率意口占次日不復能記而
諸君乃哀輯之以請於予曰是行也弟子獲奉杖屨庶
幾暮春浴沂之樂焉不可以不識也予笑而書之因憶
往年備員侍從與諸朋舊山遊登覽無歲無之自擢外

臺以出先後幾二十年兩以公務入京亦嘗定約以往
 輒為他事所阻比還朝又二載公私糾紛竟未能成
 約茲行稍慰平生而曩時同遊故人無一與偕者予又
 領南都太常之命戒程有日此別不知後來當復何
 似言之悵然喬吏部希大亦與此山知己蓋汲汲倡予
 為是行者而適以改曹文選公務方劇不得偕往故予
 於聯句及之其辭其意兩有憾焉非漫為咲也後二日
 甲申石淙某識夢陽曰西山諸篇勝
 初到西山口占示同遊諸君子
 偶向名山慰所思幽尋已是隔年期一春風雨清明後滿
 目鶯花爛熳時老覺同遊非故侶咲看殘壁有前詩相逢

得意憑開口莫為迂踈引興遲

夢陽曰更欲何言

二十年來別此山勝遊隨意且開顏
雲林隙地僧俱占春

水扁舟客未還花鳥不須愁
漫興烟霞空自慕真間登臨

我已非年少頗覺丹梯不易攀

夢陽曰感慨與劉郎種莖同又曰少出老還此意默

會可也

夜宿香山寺

昏黑來登氣轉豪磴雲梯石不知
勞望餘臺殿諸天近歷

盡藤蘿上界高池帶月形相掩
映寺圍山色故周遭樂天

舊社名應似欲賦無能媿我曹

望湖亭示諸生

家住西南本愛湖登臨未覺此身孤
乾坤頽仰還高下魚

馬飛臂下自無雲夢可空應寺子倉良如翟未妨吾谷沂

家住西南本愛湖登臨未覺此身孤
草垣兆作邊高下魚

鳥飛潛乍有無雲夢可吞應待子
滄浪如濯未妨吾浴沂
童冠真誰是猶自臨風詠舞雩

華巖洞聽琴贈何生啓東

步入深巖醉復醒坐來幽思轉泠泠
數聲皋鶴在遠漢千
疊水雲浮洞庭調裏溪山心自語
城中箏笛耳羞聽鍾期
去後知音少莫恠齊門眼未青

湖上作

湖光入望寺門前淺水平河斷却連對
景不妨詩當酒傍
溪聊藉馬為船及時不樂真徒爾此景
逢人亦偶然淨洗
渴塵三萬斛舊遊重續定何年
夢陽曰天下事皆如此

送郭于蕃之英山

宣尼嘆剛者謂見不可得世遠俗益頽柔風轉克斥越趨
昧所如偃僂成局躋嗟嗟患失徒名教奚暇責君懷誠磊
磊觸之動激烈胸中百千卷瀾倒無窮極平生凌雲氣丹
崖迥千尺濶步信周行俛仰無歆側臨民甫歲期政聲已
輝赫清月照幽隱嚴霜剪荆棘闔境稱神明山移判不易
肯貪五斗粟而受人挫抑靡然風塵中高標挺孤特吾聞
先民戒吏太剛則折矯枉固足多過正翻可惜君看夸毗
子簞豆不掩色持剛碩成戾與彼同一格君年倏已彊世
事飽經涉而况先府君令儀固不忒門墻夙通家敢視如
秦越我非教君諂亦豈欲君默願持忠恕心應物推矩挈
願為循良吏恫瘝念凄惻勿亢以近名勿訐以為直謙勤

補送都憲安成張公督運還鎮

文皇北狩開洪基古之燕薊今邦畿官河舳艫挽飛粟歲
四百萬供京師直從三湖到瀛海四十餘閘中逶迤雖云
恭襄擅勞績廟筭天假非人為漕規百年漸成敝民財
已盡兵無疲豪門貸券不知數公廩未入私逋追姦人復
此恣漁獵罔念膏血成塗泥

君王聞之重悽惻曰此瘡痍當底綏詔求經濟起頽廢
公名首應朝堂推都臺舊豸許重着先聲忽滿清淮湄塞
帷問俗布新政風霜雨露無偏私人言更化先將領䟽屏
庸瑣將無遺明揚才俊給任使數月威令如飈馳高山虎
豹莫敢狎精采一變非前時疲氓敝卒總生氣昔者戚戚

今嬉嬉

朝廷綱紀藉臺憲頗恨吾人翻壞之姑息之風滿天下漢
家三尺空然持剛者矯枉不達變志固可取終何裨不然
淫刑肆屠刈忍寡人婦孤人兒公柔不如剛不吐寬嚴兩
酌還平施淵魚苛察豈公事權度在我誰能欺漕司政務
亦填委老匠坐授群工治如身使臂臂使指大綱一舉萬
目隨安得皆公撫諸鎮頓使赤子回春熙嗟予關中舊分
憲蒞公節下叨公知迂踈未敢辱同調頗覺氣類元相宜
公今入覲

天顏喜縉紳動色瞻風儀太常閒曹無報稱却望賢勞增
怛怩秋風冠蓋送歸鎮把酒欲賦難為辭似聞臺省虛公

位尚為淮人歌去思夢陽曰鋪叙有餘

容臺南類南京太常卿時作

丁祀齋居用韻奉答少宰楊碧川先生

南雍釋奠遣官行少宰名高冠列卿典禮故應藏太史

絃歌元自隸司成衣冠坐與神明接金石聲諧鳳鳥鳴却

望 廟廷奔走地宮墻數仞不勝情

行釋奠禮用前韻

玉珮鏘鏘次第行兩階鵠立半公卿禮將明水還三獻樂

奏簫韶又九成道上宿氛當夜盡空中靈籟入秋鳴金聲

玉振瞻依地不盡登山望海情

八月十九日有事於鷄鳴山禮成夜過林見素有作

八月十九日有事於雞鳴山禮部夜過水身言不
肩輿乘輿叩君居漏下高城四鼓餘坐擁明衣香尚在心
通胎嚮敬初舒片言却比千金諾奇事須煩巨筆書起看
月華成久佇不知涼露濕襟裾

送王司徒提督貴州軍務

萬里車書燄道通夜郎何事阻華風我公舊有綏懷畧此
去休論戰伐功八部蠻煙行處盡盤江春瘴洗來空都勻
白骨憑誰念風雨啾啾恨未窮

送龍山王諭德先生主南畿鄉試還朝

帝都論秀兩京同無限英才入彀中科第早魁多士選文
章今擅一家雄門墻桃李春生色藥龍參冬晚奏功歸路
江山莫留滯東朝勸講正須公

送侍講劉司直先生

舊京求士有封章 詔進儒臣下玉堂
收盡英才唐陸贄 變來文體宋歐陽
中州正派分河洛 南國重遊識鳳凰
留取平生華國手 山龍看補舜衣裳

和楊碧川先生寄姪志仁詩韻二首

喜擬授

吏部擬志仁當陞知府

遷客生還聽好音 極知來復是天心
名於宣室才人重 恩比英州別駕深
身老尚餘腸似鐵 官貧唯有帶還金
新蒲細柳年年色 留取風霜向晚林

慰解綬

十年局促笑駉駒 滿目黃塵未掃除
白首還鄉元不錯 丹

十年后促笑轉馬滿目黃金厚未掃際白首還須元不金丹
心憂 國恐難祛生無毀譽非夫也道有行藏是命與多
少蒼生望公起未容日與世緣踈

絳州張氏忠孝卷

乾坤大義明朝暎寸草葵藿猶知恩封人賜羨遺慈母野
老食芹懷至尊頽綱尚憑一綫舉砥柱莫障東流奔善哉
河東張氏子展卷三歎淳風存

孝陵殿供祀一首

朶雲高覆殿西東 聖祖分明陟降中俎豆四時陳玉醴
鼎湖千載闕玄宮山川合有神靈護草木猶知造化功獨
向爐煙深處立不勝惆悵泣遺弓

壽致仕徐司空七十

職方門第早清風
遼海曾收保障功
歸去位加新太傅
年來憶舊司空
東山杖屨追遊外
洛下耆英繪畫中
管取遐齡自千百
白眉老子更方瞳

送潘都憲總鎮兩廣

一官兼控廣西東
兩鎮山川節制同
定有風聲先嶺嶠
早知兵甲富胷中
天低百粵星辰近
日射重江霧雨空
不似開邊還養寇
恩威隨地有膚功

賞梅和韻

一樹橫斜半帶煙
坐分春色入新年
風標元是竹松行
題品肯教桃李先
對雪尚懷東閣裏
尋詩兼到此枝前
太常門地清如水
復恐清魔攪夜眠

門地清如水復恐清魔攪夜眠

壽延平劉司空

京華少小接門墻坐裏春風久未忘
一品官階仍保傅幾人經濟更文章
自憐直道逢明主天與完名歸故鄉
合遣優游還上壽看携鳩杖謁朝堂

陪鄉友遊城南山寺

城南風日山南寺此興元非在酒殺我病三分仍淺酌
君情千載是深交孤雲過眼逢今雨倦鳥依人失故巢
莫恠投簪心未改山林應恐有書嘲

大風

蜚廉怒逐雨師過大塊無端噫氣多
木拔瓦飛嗟尔甚江翻石走奈人何
蘭臺快憶襄王賦茅屋愁生杜甫歌
更是

長安淫雨後蒼生疾苦為誰摩

寄慰熊司馬

望盡長江一柱深肯隨波浪共浮沉青山似入年來夢白日真懸老去心載貨久知非馬援殺人元不是曾參眼前休道相知少猶有清風解賞音

次見素韻賀喬希大擢官太常少卿

要途遷秩更仙卿珍重明言戒宦成復恐聰明非少日豈應溫飽是平生百年郊廟馨香地萬古中和位育情莫道朱絃真絕響遣音猶自待人鳴

和鄭亞卿廷綱雪詩韻

一雪長安落未銷即看暮暮與朝朝人家頓失昏明候野

色全迷遠近橋官樹有花開欲滿紙窓多罅掃還飄只應
共作豐年慶無問山林與市朝



卷之三十一

三十一











